



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

09 Août 2019

07 Dhul-Hijjah 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

L'HISTOIRE DE KA'ABA SHAREEF

Makkah, la Ville Sainte li la ville ki dimounes pli fréquenté dans l'Arabie Saoudite. La Mosquée Sacrée (*Masjid al Haram*) li trouve dans Makkah. C'est ene la ville de la péninsule Arabe ki trouve à 350 mètres au-dessus de la mer. Ka'aba li situé au milieu de *Masjid al Haram*. Sa Masjid là li trouve dans ene l'espace ki appelle *Bakka*.

La date de so fondation remonte à l'époque de Hazrat Ibrahim (as), le Prophète (*Nabi*) et Camarade (*Khalil*) d'Allah. C'est dans sa la ville là ki le Saint prophète de l'Islam (saws) fine né. C'est aussi le berceau de la révélation ki fine accueillir la lumière de l'Islam et c'est là ki *Masjid al Haram*, ki *Ka'aba Shareef*, premier Masjid ki fine construire lor la terre pour bane dimounes en vertu de bane paroles d'Allah (twa) : « **Pas ena doute ki premier la Caze (Masjid) ki ti construire pour l'humanité, c'est bien celui de Bakka (la Mecque). Li bénie et servi comme ene bon direction (guide) pour l'univers.** » (Al-Imran 3 : 97).

Fine rapporté de façon sûre d'après Abu Dharr ki li fine dire : « *Mo fine pose le Messenger d'Allah (saws) question à propos premier Masjid installé lor la terre ? Li*

fine dire : ‘Masjid al Haram’ et ensuite mo fine demande li : ‘Ki vini après ?’. Li fine dire : ‘Masjid Al-Aqsa.’ Mo fine dire li : ‘Commié létemps fine passé entre [construction/ l’existence] sa deux là ?’ Li fine dire : ‘40 ans.’ »

La Ka’aba trouve approximativement au centre de la Mosquée Sacrée [li pas exacte pou exacte au milieu]. Tous bane musulmans, bane musulmans de l’Ouest et de l’Est – zot tout – tourne dans so direction (prend li comme zot *Qibla*) pendant zot bane *Salaat* (Namaz/ la prières) – pour adore le Maître de la Ka’aba. Li haute de 15 mètres et li ena la forme couma ene grand cube presque carré. Li ti construire par Hazrat Ibrahim (as) sous l’ordre d’Allah (twa). Allah Le Puissant et Majestueux dire dans Quran : **« Et rappler kan Nous ti indique pour Ibrahim l’emplacement la Caze (Al-Haram) et dire Li : ‘Pas associer nannié avec Moi et purifier Mo la Caze pou bane ki vine faire *Tawaaf* (faire le tour Ka’aba), ki dibouter là (en prière), ki cabosse zot lécorps et ki prosterner (en prière aussi). »** (Al-Hajj 22 : 27).

Le terme « *bawwa’na* » veut dire : Nous fine orienter vers, et Nous fine mette à so disposition et Nous fine donne li l’autorisation pou construire. Concernant sa, Allah (twa) dire : **« Et kan Ibrahim et Ismaël ti pé monte fondation la Caze là (zot ti prier) : « Ô nous Maître, accepter sa de nous. C’est Toi-même Qui entend et conne tout. »** (Al-Baqara 2 : 128).

BANE POLYTHÉISTES ET IDOLÂTRES DÉSACRALIZE KA’ABA

Avec le temps, bane Arabes fine oublier le principe fondamental de l’unicité d’Allah ki Hazrat Ibrahim (as) ti enseigne zot. Zot fine vine polythéistes et idolâtres (*Mushrikeen*). Zot ti adore 360 idoles et au premier plan parmi tous sa bane idoles là ti ena Hubal, Lat et Uzza. Malgré sa, bane idolâtres pas ti complètement oublié le nom du Dieu Unique (*Ilah*) – ene sel Dieu : Allah. Zot ti aussi préserve la tradition pou accomplir bane rites de tourne autour de Ka’aba (*Tawaaf*) mais selman cette fois-ci zot ti pé fer li d’ene façon malsain et satanique. Ka’aba Shareef ti transformer en ene camp de bane naturistes [bane dimounes ki reste tout nu]. En effet, bane idolâtres ti penser ki zot ti bizin accomplir le rite sacré tout nu parski, d’après zot raisonnement, l’homme fine né nu et li bizin donc présente li devant bane divinités [zot bane idoles] dans ene condition pareil [couma zot ti né].

Dans sa bane circonstances là, bane les tours ki zot ti pé faire autour de Ka'aba (*Tawaaf*) ti vine couma ene fête pou zot. Ti ena bane ki ti pé faire *Tawaaf* [autour ene Ka'aba rempli avec idoles], tandis ki bane les autres ti pé profiter pou faire bane commerces. Zot ti pé organise bane la foires. Zot ti pé vende toutes sortes kalités zaffaires, couma bane la boissons [surtout saki fort là – l'alcool], bane z'épices, parfums, zot bane idoles mêmes et aussi bane madames également. Zot ti pé même parfois vende sa bane femmes là, dans ene prix discount. Alor, dans sa l'atmosphère de péché là, dans ene la ville sacré couma Makkah, Shaytan so vœu fine accompli, kot li fine réussi dévier bane dimounes du chemin d'Allah.

Mais seulement, malgré sa, eski nous capave conclure ki bane actions de Hazrat Ibrahim (as) fine anéanti ? Bien-sûr que non !

LA PROTECTION D'ALLAH LOR KA'ABA

Allah (swt) veille lor Ka'aba depuis toujours. Hazrat Ibrahim (as) ti faire *duah* avec Allah avec sa bane paroles là : « **Ô nous Maître, envoie parmi zot ene de parmi zot-mêmes comme prophète, ki pou lire avec zot To versets, ki pou enseigne zot To livre et la sagesse, et ki pou purifier zot. C'est Toi ki Grand et Sage.** » (Al-Baqara 2 : 130).

Sa *duah* là fine exaucée quelques 2500 ans plus tard grâce à Hazrat Muhammad (saws) alor ki li âgé de 35 ans seulement. Li pas ti encore formellement inspiré par Allah. Li ti inaugure le troisième cycle définitif de l'histoire de Ka'aba. Pendant ene période de 23 ans, li fine change le cours de l'histoire de la Ka'aba, après l'époque de Hazrat Ibrahim (as). Tous bane idolâtres de l'Arabie ti vine bane monothéistes, bane croyants ki croire et prier ene sel Dieu, le Dieu Unique (Allah). Alor sa bane là, bane croyants là ti influence l'évolution de la Maison Sacrée de zot façon.

La Ka'aba li vié de 2500 ans et pas ti capave résister à bane catastrophes naturelles. Avec ene dernier grand inondation [à sa l'époque là], so bane murailles ti commence tomber. Bane Quraishs, bane descendants d'Ismaël (as) ti envie reconstruire li, mais seulement zot ti pé hésiter et zot ti pé peur attention zot attire la colère d'Allah parski zot ti encore rappelle saki ti arriver kan Abraha ti vine rode vine détruire Ka'aba Shareef.

Trente-cinq ans avant sa, en l'an 570, environ deux mois avant naissance de Nabi Kareem Hazrat Muhammad (saws), Abraha Ashram, le gouverneur de l'Abyssinie, de Yémen, ti vine vers la Mecque avec ene grand l'armée avec bane l'éléphants pour détruire Ka'aba et li ti ena dans so l'idée pour reconstruire Ka'aba dans Yémen afin pou profite commercialement du pèlerinage ki ti à sa l'époque là pli grand la foire en sa partie du monde là.

Aussitôt ki zot ti arrive dans bane faubourgs de la Mecque, zot ti confisqué tous bane chameaux. Alor bane Mecquois pas ti capave résister à ene l'armée si puissant de bane Abyssiniens. Zot tous ti sauver de Makkah pour alle réfugier lor bane montagnes avoisinants, à l'exception de zot chef, Abdul Mutallib, ki plus tard c'est li-même ki ti vine *Dada* (grand-père paternel) de Nabi Kareem Hazrat Muhammad (saws). Abdul Mutallib ti alle à la rencontre d'Abraha dans la banlieue de la Mecque.

Kan li fine trouve li, Abraha ti croire ki li ti vini pou vine supplier li pou ena pitié lor zot et pou pas détruire Ka'aba. Mais Abdul Mutallib pas fine faire tout sa là. Li fine seulement demande Abraha pou retourne zot, zot bane chameaux ki li ti entassé et bloqué. Kan li fine trouve Abraha étonner avec so requête, Abdul Mutallib fine dire li : « *Bane chameaux là appartenir à nous. Quant à la Ka'aba, li ena so Maître ki pou occupe li [défendre li].* »

Grand l'armée d'Abraha ti fini pénétré l'espace sacré de la Ka'aba. Zot ti bizin faire ene escale forcé dans ene vallée (*Wadi-e-Muhassar*) à Mina parski bane éléphants là ti népli envie bouger. Ensuite Allah, Le Protecteur de la Ka'aba, fine envoie ene l'armée z'oiseaux ki fine largue bane ti roches de *Sijjil* (l'argile) lor zot, et alor Abraha et tout so l'armée fine anéanti.

« Eski to pas fine trouver couma to Maître ti traite bane dimounes de l'éléphant ? Eski Li pas ti faire zot ruse alle dans faillite ? Li ti envoie lor zot bane zoiseaux en bandes, ki ti lance lor zot bane roches en argiles, et ainsi, ti rende zot couma ene champ kot tout récolte fine manger. » (Al-Fil 105 : 2-6).

LA RECONSTRUCTION DE LA KA'ABA

Alor maginez ene ti tiguitte, ki kalité puissance ou magique ou capave dire ti ena dans sa bane roches là ki zot fine détruire ene l'armée en entier ? Allah tousel

conner saki fine passer, Li tousel conne sa secret là. C'est bien pour sa raison là ki bane Quraishs ti pé hésiter pou détruire Ka'aba [afin pou reconstruire li]. Finalement ene de zot bane chefs, Walid Bin Mughira, fine dire : « *Nous l'intention li pas couma Abraha. Nous, nous ouler seulement reconstruire l'édifice ki inondation là fine endommagé.* » Alor bane Quraishs fine convaincu par so bane paroles, et zot fine décider pou faire ene collecte pou ramasse l'argent pour finance sa projet, mais zot pas ti accepter bane l'argent ki ti pé vine d'ene transaction interdit (*Haraam*). Sa l'attitude bien louable là ti représente bien le changement ki ti pou vini par la suite. Hazrat Muhammad (saws), comme ene citoyen modèle ti participe activement à la reconstruction de la Maison Sacrée. Li ti transporte bane gros roches lor so z'épaules, lor so la nuque depuis Mont Abu Qubays. Construction ti faire assez vite.

Mais seulement, ene polémique ti lever kan fine arrive l'heure pou place la Pierre Noire dans so place. Bane différents tribus ti pé disputer entre zot. Sak groupe ti ouler gagne sa l'honneur pou soulève et mette la Pierre Noire dans coin ki li bizin été. Sa dispute là ti ene dispute sans merci et bane dirigeants de sak tribu ti lor le point pou touye zot entre zot-mêmes.

Sa désaccord là ti continuer pendant quelques jours et zot pas ti trouve aucaine solution à sa situation là. Finalement Abu Umayya al Makhzumi, ene de zot bane chefs très âgé fine faire sa suggestion là : « *Ô mo bane frères ! Zot ouler plaire à zot bane dieux, mais en même temps zot pé ouler touye zot entre zot-mêmes. Alor premier dimoune ki pou rentre par la porte As-Safa, li-même li pou vine tranche lor sa zaffaire [problème] là.* »

Zot tous fine accepter sa proposition là et zot fine attane. Suspense là ti bien grand. Nek ene coup, ene kikaine fine rentrer. Zot tous ensam fine crier : **Muhammad Al Amine** (saws), l'homme de confiance. Zot tous ti satisfait et soulagé kan zot fine trouve li. Kan li fine être informer de dispute ki ti ena, Hazrat Muhammad (saws) fine satisfaire zot tout en même temps. Li fine demande zot pou amène ene grand tissu et alor li fine place la Pierre Noire lor là et li fine demande à ene représentant de sak tribu pou tenir ene boutte de tissu par le bord afin pou transporte Pierre là. Alor zot tous ensemble fine soulève tissu là jusqu'à hauteur kot Pierre là bizin être déposé. Hazrat Muhammad (saws) fine ensuite prend Pierre là li-même pou mette li dans so place. Sa action de Hazrat Muhammad (saws) là ti ressembler à celui ki le prophète d'Allah, Hazrat Ibrahim

(as) ti faire et sa li ene preuve de la continuité et de synthèse de la mission prophétique [kot Allah ti élève Hazrat Muhammad (saws) comme So prophète pour l'humanité en entier].

L'IMPORTANCE DE LA PIERRE NOIRE

D'après Ibn Abbas (ra) Rassoollullah (saws) fine dire : « *La Pierre Noire fine dessane du Paradis en étant pli blanc ki di lait, mais ensuite c'est bane péchés de bane dimounes ki fine noirci li.* » (Tirmidhi, Ahmad).

Ti ena bane athées ki ti formule bane critiques à l'égard de sa Hadith ki mo fine fek citer là, kot zot fine dire: Comment Pierre là fine être noircie par bane péchés de bane idolâtres et pas fine ensuite ré-vine blanc par bane actes d'obéissance de bane ki ena la foi dans l'unicité absolue d'Allah?

Mo réponse : Si Allah ti ouler, Li ti capave faire sa roche là révine so couleur d'avant, mais dans la loi ki Allah fine établir, Li fine faire en sorte ki le noir li colore bane couleurs (ki plus pale), et li-même (couleur noir) li pas laisse li être coloré par bane les autres. So couleur li tel ki li reste pareil ; tandis ki couleur blanc li facilement colorer par bane les autres couleurs. En plus de sa, sa couleur ki fine maintenant vine so identité là, li ene rappel à l'humanité ki li bizin abandonne le mal sous tous so bane formes et réforme zot. Si le pèlerinage (*Umrah et Hajj*) li ene source de purification pour bane croyants, alors dans tous so bane rites, ena ene leçon à retirer. Le principal c'est la purification complète de l'être humain et tous bane symboles pendant le pèlerinage zot bane rappels pour zot, ki zot bizin laisse derrière zot, zot la vie d'avant, surtout si sa la vie là ti marquer par bane péchés.

Bane premiers gestes/ actions de celui ki ouler faire *Tawaaf* pendant *Umrah* ou *Hajj* ou bien comme ene acte de culte volontaire li constituer pou sois touche la Pierre Noire ou pou embrasse li ou sois si pas capave, fer ene signe de la main dans so direction avant li commence fer le *Tawaaf* autour de Ka'aba Shareef. D'après Jabir Ibn Abdullah (ra) : « *Kan l'Envoyé d'Allah (saws) ti arrive Makkah, li ti présente li kot Pierre là et fine touche li. Puis li fine passe à so droite, fine presse so pas pendant trois tours, et ensuite li fine marche normale pou [le reste] quatre tours.* » (Muslim).

Fine rapporté ki Hazrat Umar (ra) ti vine kot Pierre là et embrasse li en disant : « *Mo conner ki to seulement ene pierre [roche] et to pas capave apporte ni aucaine profit ni aucaine préjudice. Si mo pas ti trouve le Prophète (saws) embrasse toi, jamais mo pas ti pou faire sa.* » (Bukhari, Muslim).

Donc, si ene Pèlerin pas capave embrasse li, li capave touche li avec so la main, ou faire signe avec ene kitchose et embrasse sa kitchose là, par exemple, ene bâton.

Dans ene l'autre Hadith, Abu Tufayl (ra) fine dire : « *Mo fine trouve le Messenger d'Allah (saws) tourne autour de la Maison [Ka'aba Shareef] et touche l'angle (la Pierre) avec ene bâton et embrasse bâton là.* » (Muslim).

D'après Ibn Abbas (ra), le Messenger d'Allah (saws) fine faire le tour de Ka'aba lor ene chameau et sak fois ki li ti devant l'angle là, li ti pé faire ene signe en so direction et dire : « *Allahu Akbar.* » (Bukhari).

Touche Pierre là ainsi ki le coin Yéménite de la Ka'aba faire partie de bane moyens par lesquels Allah (twa) expier bane péchés. Ibn Umar (ra) fine dire : « *Mo fine tende le Messenger d'Allah (saws) dire : 'Le fait pou touche zot li ene moyen pou expier bane péchés.'* » (Tirmidhi).

La Pierre Noire li faire bane ki ena ene la vue intérieure – spirituel – réfléchi. En effet, si bane péchés laisse bane traces lor sa Pierre dure là, alor zot laisse bane traces encore pli profonds dans le cœur. Et c'est sa ki bizin éviter : Bizin évite fer péchés pour ki sa pas tâcher dans nous les cœurs.

Li pas permette à ene musulman pou porte préjudice à bane les autres musulmans près kot sa Pierre là, kot ena la guerre et risser-pousser, kot ena même lève la main lor zot bane frères. Sa li pas bon du tout parski Nabi Kareem (saws) fine affirmer ki sa Pierre là pou témoigner en faveur de bane ki pou touche li avec droiture et pour bane ki pou touche li après ki zot fine nuire à bane serviteurs d'Allah.

L'ÉDIFICE DE LA KA'ABA

Après la conquête de la Mecque en l'an 8 de l'Hégire, le Saint Prophète Hazrat Muhammad (saws) pas fine change l'édifice de Ka'aba Shareef. Li fine détruire par

contre tous bane idoles ki ti ena à l'intérieur. La Ka'aba fine être préservé depuis sa l'époque là de tout bane saletés/ malpropretés.

Péna aucaine doute ki Ka'aba li l'édifice ki plus honoré dans le monde et bane musulmans pas pou arrête demande Allah pou augmente so l'honneur. Sak l'année, plisse ki 10 millions pèlerins, kan zot trouve Ka'aba pour la première fois, zot prononce sa *duah* là : « *Ô nous Rab, augmente l'honneur de sa Masjid là dans so considération et so vénération [grand respect ki li ena]. Ki li gagne ene surplus de majesté et de grandeur de la part de tous bane ki accompli le grand ou le petit pèlerinage (Hajj ou Umrah)* ».

Sa c'est la raison pour laquelle Ka'aba Shareef li ena la porte ki plus cher dans le monde. Sa la porte là contenir 280 kilogrammes d'or pur à 99% et li vaut plus ki 80 millions de roupies mauriciens. Li contenir bane calligraphie de bane versets Quran. En réalité, la porte de la Ka'aba li composé de deux la portes ; ene ki donne vers l'intérieur et l'autre vers l'extérieur. Li à 2,25 mètres au dessus du sol [lor ene hauteur].

La Ka'aba li couvert en permanence d'ene étoffe en la soie noire d'ene superficie de 650 mètres carrés. Sa tissu là contenir bane motifs de bane versets Quran ki brodés également en or pur. Ene l'usine spéciale exister pour so fabrication. Sa l'usine là li trouve lor ancien autoroute de Jeddah à Makkah. Li employe environ 250 ouvriers qualifiés. Sakaine spécialisé dans ene discipline: tissage, broderie, calligraphie etc. L'usine fonctionner en permanence afin ki li capave produire tous les z'ans ene nouvo couverture (*Kiswa*).

L'édifice de la Ka'aba li pas exactement carré. Li plutôt quadrangulaire parski li de treize mètres de long, douze mètres de large et quinze mètres de haut. C'est pas bane murailles de Ka'aba ki orienté vers bane points cardinaux mais bien plutôt so bane quatre l'angles (*Arkan*).

L'intérieur de Ka'aba Shareef ressembler à ene la chambre vide avec ene copie géant du Quran exposé lor ene support. So muraille li couvert avec marbres.

En l'an 683 de l'ère chrétienne, Abdullah Ibn Az-Zubair fine lève contre le calife Yazeed, garçon de Muawiyya. En 693, Al Hajjaj Ibn Yussuf fine conquérir la Mecque et fine touye Abdullah Ibn Az-Zubair. Avec l'accord du calife de l'époque,

Abdul Malik, li fine démolir Ka'aba et reconstruire li d'après le modèle de bane Quraishs, le modèle bâti par le Saint Prophète Muhammad (saws). En l'an 1630, le mur nord-ouest de la Ka'aba ti endommagé par ene grand inondation. Le Sultan Muraad ti ordonne so démolition et fine reconstruire li conformément au modèle de bane Quraishs et en utilisant bane pierres d'origine. Depuis personne pas fine change so modèle de façon drastique. Fine ena seulement bane rénovations mineures. C'est sa Ka'aba là ki exister azordi.

La Ka'aba dispose de plusieurs noms tels que : *Baitullah* (Maison d'Allah), *Baitul-Haram* (Maison Honorée), *Baitul Atiq* (Maison Antique), *Al-Aqdas* (le Saint des Saints), *Al-Muqadassa* (ki extrêmement saint) etc.

La Ka'aba ena ene statut privilégié parski pareil couma dans verset Quran ki mo ti réciter au commencement: **« Pas ena doute ki premier la Caze (Masjid) ki ti construire pour l'humanité, c'est bien celui de Bakka (la Mecque). Li bénie et servi comme ene bon direction (guide) pour l'univers. »** (Al-Imran 3 : 97).

De plus, Allah dire : **« Là-dans ena bane signes claires et parmi sa bane signes là, place kot Ibrahim ti diboute. Celui ki entre là-dans, li en sécurité. Li obligatoire à tous dimounes ki ena les moyens, pou faire Hajj (pèlerinage) dans la caze (Haram Shareef), pou Allah. Mais celui ki rejette la foi (bizin rappler) ki Allah pas bizin nannié ar aucaine créature. »** (Al-Imran 3 : 98).

Enfin la Ka'aba comporte ene double aspect terrestre et céleste. L'homme, n'importe kot sa li été, lor la mer ou lor la terre ou dans l'air bizin tourne en so direction (*la Qibla*) pour accomplir so bane *Salaat* (la prières) quotidien.

Ki Allah compte nous parmi bane ki milite pour la protection de la Sainte Mosquée (*Masjid al Haram*) et ki Allah ouvert nous chemin pour ki nous accompli le cinquième pilier de l'Islam, le Hajj en toute quiétude et piété. *Insha-Allah*.

Mo souhaite zot tous en avance, ene **Eid-ul-Adha Mubarak**. Ki Allah protège pour toujours bane symboles de l'Islam et bane musulmans et préserve zot la foi contre bane l'attaques de Shaytane et de so l'armée. *Insha-Allah, Ameen*.